

Reverso.

Levará gravada na zona central a lenda Medalla ao mérito da policía local; e debaixo Xunta de Galicia.


b) Pasasor.

O pasador consiste en dúas barras de metal prateado de 4 mm de largo e 12 mm de alto, separadas entre si por unha cinta de cor azul clara de 30 mm de largo e 10 mm de alto, atravesada verticalmente por dúas franxas de cor amarela de 4 mm de largo, que estarán situadas a 5 mm de cada barra do pasador. No medio deste conxunto figurará o debuxo en miniatura da medalla correspondente.

Este pasador utilizarase na uniformidade ordinaria ou de servizo.

c) A insignia de lapela.

A insignia consiste nunha reprodución en miniatura da medalla correspondente. Levará no reverso un sistema de fixación, que facilite poder colocala na lapela da roupa de paisano daquela persoa á cal lle fose concedida esta distinción.



d) O diploma.

O diploma é a certificación da concesión da distinción. Realízase en papel tipo pergameo, en cor branca, de 300 mm de largo por 210 mm de alto, ribeteado en todo o seu contorno por unha franxa gris de 8 mm de largo, a unha distancia de 8 mm do extremo do pergameo. No anverso unha franxa de cor azul clara e de 12 mm de largo ocupará a diagonal interior de esquerda a dereita. Na parte superior, centrado, figurará o escudo de Galicia. O texto literal é o que aparece no debuxo.



ANEXO IV

Distintivo de permanencia, pasador, insignia de lapela e diploma correspondente

a) Distintivo de permanencia.

Anverso.

Está formada por unha base de metal cun baño de bronce con formato de placa policial. No centro desta, en fondo marrón escuro, levará o escudo de Galicia policromado, e debaixo a lenda Policía Local. O tamaño da medalla será de 43 mm de alto por 35 mm de largo. O pasador que a suxeita ao uniforme será tamén de metal dourado, de 36 mm de largo e 11 mm de alto; a cinta que colga do pasador, e da que pende a medalla, será de cor marrón escura e de 28 mm de largo e 40 de alto, cunha franxa central e vertical de cor azul de 5 mm e dúas de cor branca a ambos os lados de 2 mm.

Este distintivo utilizarase naquelas ocasións en que se utilice o uniforme de gala.

Reverso.

Levará gravada na zona central a lenda Distintivo de permanencia; e debaixo Xunta de Galicia.

b) Pasador.

O pasador consiste en dúas barras de metal dourado de 4 mm de largo e 12 mm de alto, separadas entre si por unha cinta de cor verde de 22 mm de largo e 10 mm de alto, atravesada verticalmente por unha franxa de cor azul de 3 mm e dúas de cor branca a ambos os lados de 2 mm, que estarán situadas a 7,5 mm de cada barra do pasador.

Este pasador utilizarase na uniformidade ordinaria ou de servizo.